

18. 1. 1838 *Lib. B.B.*
I. N. I.
DISSERTATIO INAUGURALIS CHIRURGICO-MEDICA

DE
CALCVLI, VESICÆ EXVL-
CERATÆ ADHÆRENTIS,
SECTIONE ET CVRATIONE FELICI

QVAM
RECTORE MAGNIFICENTISSIMO
SERENISSIMO PRINCIPE AC DOMINO
DOMINO
WILHELMO HENRICO

DVCE SAXONIAE, IVLIACI, CLIVIAE, MONTIVM, ANGARIAE,
WESTPHALIAE, COMITE SAYNAE ET WITTGENSTEINII,
RELIQVA

CONSENSV GRATIOSÆ FACVLTATIS MEDICÆ
SVB PRÆSIDIO

HERM. FRIDER. TEICHMEYERI

HEREDITARII IN CAMSDORF ET WENIGENIENA

PHIL. ET MED. DOCT. ANATOMIÆ CHIRVURGIAE ET BOTANICES P. P. O. SERENIS-
SIMORVM SAXONIAE DVCVM VINAR. ET ISENAC. CONSIL. AVLIC. ET ARCHIATRI
ACADEM. NATVR. CVRIOS. IMPERIAL. LEOPOLD. CAROLINÆ ET REG.

SOC. SCIENT. BORVSS. SODALIS

PRÆCEPTORIS SVI HOSPITIS ET PATRONI OMNI
HONORIS CVLTV PROSEQVENDI

PRO GRADV DOCTORIS

PVBLCÆ ERVDITORVM DISQVISITIONI
SVBMITTIT

AVCTOR ET RESPONDENS

PAVLVS PHILIPPVS SCHELER

COBVRGENSIS

IN AVDITORIO MEDICO

D. IX. MAII. A. CIO MDCC XXXVIII.

—
IENAE, LITTERIS WERTHERIANIS.



K. u. k. Kaiserl. - ärztliche Bibliothek

| | | | | |
|----------|--------|--|--------|--|
| Standort | Zimmer | | Abt. | |
| | Kasten | | Gruppe | |
| | L. Nr. | | Nr. | |

1514
VIRIS

CONSULTISSIMIS AMPLISSIMIS

DOCTISSIMIS ATQUE PRUDENTISSIMIS

DOMINO CONSVLI REGENTI

DOMINO DOCTORI SYNDICO

CAETERISQUE

DOMINIS CONSVLIBVS

ET SENATORIBVS

VTRIVSQUE ORDINIS

FLORENTISSIMAE, QVAE COBVRGI EST,

REI PVBLICAE

PATRONIS PLVRIMVM COLENDIS

D. D. D.

VIRI
CONSULTISSIMI AMPLISSIMI DOCTISSIMI
PRUDENTISSIMI
PATRONI PLURIMUM COLENDI.

*Non est, ut undiquaque corradam anxie rationes,
quibus permotus, PATRONI, VOBIS hanc-
ce dissertationem inauguralem offerre tradereque ob-
servanter haud erubescam. Veneratio enim, quam
VOBIS debeo, officium, quo obligor, multaue be-
neficia, a VOBIS in me meosque uberius collata sa-
tis superque movent, ut hocce scriptum academicum
in publicam grati obstrictique animi elicere possint
tesseram.*

Post-

Postquam enim, Deo opitulante, studia mea ad finem perducta sunt, adeo, ut patriæ officia præstare me capacem, absit verborum iactantia, diudicem, nullum certe digniorem, VOBIS, scio, quibus eadem de meliori ac animo commendare queam propensissimo. Et exinde fit, ut VOS alloqui fas fuerim arbitratus, monumentumque ponere publicum, tanquam signum, quo omnibus pate scat, me ingrato animo non delevisse beneficia, sed eadem altos in mente egisse radices. Certus spem alo firmissimam, PATRONI PLVRIMUM DEVENERANDI, VOS serena fronte meam excusaturos audaciam, pignusque hoc obsequii more vestro, hoc est, placido benignoque fore accepturos. Nunquam defatigabor, Deum ter optimum terque maximum precibus invocare ardentissimis, velit, VOS sanitatis incorruptæ constantia, omnique prosperitatum genere beare & in seros conservare annos. In primis benignissimum illud Numen omnibus conatibus consiliisque saluberrimis, incuria caute sapienterque a VOBIS susceptis, benedicat clementissime, ut omnes in eius honorem ac glor-

gloriam, patriæ emolumentum & rei publicæ incrementum cedant felicissime. Coeterum, PATRONI, me VOBIS habeatis, peto etiam atque etiam, commendatissimum, nec gratiam benevolentiamque vestram, cedro dignam, denegetis

**NOMINVM VESTRORVM
CONSULTISSIMORVM AMPLISSIMORVM
PRUDENTISSIMORVMQUE**

Dabam Ienæ d. Maji
1739.

**CULTORI INDEFESSO
PAVLO PHILIPPO SCHELERO**



I. N. I.

PRAEFATIO
LECTORI BENEVOLO

S. P.



Etsi maxima scriptorum de
calculo eiusdemque sectione
prostat copia, quæ inter &
varia bene accurateque e-
laborata reperiuntur ; mi-
nus tamen dubitavi, de ea-
dem materia inauguralem conscribere disserta-
tionem.

Quippe cum casus, quem heic eruditorum
examine offero submittoque, specialis sit, & omni-
no dignus videatur, qui paulo altius investigetur,
arbitratus fui, non fore ingratum eruditis, si pecu-
liari scripto enodaretur.

Cal.

Calculi cum vesica per membranas adhæsiō,
vesicæque ante operationem susceptam vera exulce-
ratio, extra omnem dubitationis aleam, circum-
stantiæ sunt periculosissimæ, & maxima practico-
rum pars easdem merito venditat pro mortife-
ris. Sed, liceat nostro in casu ambæ concurre-
rent, sectio tamen calculi a MAGNIFICO PRÆSIDE,
curatio vero, eodem quidem arbitro atque dire-
ctore, per me measque manus, B. C. D. facta at-
que ad finem perducta fuit felicissimum.

Qua autem cautione sectio ipsa, & curatio
instituta peracta fuerint, id in dissertatione paulo
plenius describere, variaque, quæ huic materiæ lu-
cem quandam accendere possunt, pertractare ani-
mus est. Benignissimum Numen benedicat
instituto, ut omnia in sui gloriam, proximique
emolumentum cedant atque
perficiantur.





C A S V S



Uer quidam, Ianionis filius, qui octavum unicum noni dimidio impleverat annum, sæpe numero urinæ difficultate, stranguria, dysuria & ischuria laboravit; & quidem ita, ut mala hæc eundem per quatuor annorum spatium satis superque vexarent.

Sub initium ægrotus equidem, morbo interdum incremente, interdum decrecente, mox lecto se committere, mox vero per septimanam ambulare & sine molestia scholam visitare potuit; ast præterita æstate, haud interrupto ordine, in lecto decumbens cruciatus perpeti tremendos fuit coactus, adeo, ut appetitu prostrato, viribusque imminutis totum ferme corpus, inter eiulatus, per dies noctesque miserrime continuatos, contabuerit.

Causa & origo, a qua omnia hæc mala trahebant ortum, erat calculus, qui, semper vesicæ collum obsiruens, urinæ impediabat egressum.

Et cum puer mingens eundem

A

dem

dem dextra manu e loco & sursum dimovere anniteretur, acris & corrosiva urina effluens totam manus volam erodendo excoriavit, ut digitorum contractura prope fuerit subsecuta.

Parentes, quibus filioli sanitas curæ cordique erat, moerissimi *Illustrem Praesidem* vocabant in consilium, qui, digitum, probe oleo inunctum, in anum immittens facillime persentiscebatur, calculum non infimæ esse magnitudinis.

Re ita se habente, Parentes *Praesidem* flebili neruosaque oratione rogitabant, ut cum filiolo, vitæ periculo exposito, institueret operationem, &, licet *Vir experientissimus* omnia fata, quæ lithotomiam concomitari solent, ante oculos poneret candidissime, inhærebant tamen petito constantissimi.

Postquam animo parentum itaque fixa immotaque maneret operatio, electum a *Magnifico Praeside* tempus consuetum, autumnale, &, invocato Numine diuino ardentius, sequentem in modum operatio fuit peracta felicissime.

Arrisit scilicet operatio, quæ vocatur *minoris apparatus*, & quidem ex hac potissimum ratione, quia præputium inflammatum erat, mentulaque intumescebat.

Puer die ix. Octobr. hora nona a Chirurgo, viro cordato atque animoso, duobusque medicinæ studiosis, haud timidis, firmis tenebatur manibus. Ille puerum pulvinari, lana recto, cubantem, habebat in sinu, sub sella, qua in chirurgus sedem fixerat, vas erat positum, aqua repletum tepida; *Praeses* vero *illustris* sella parva humilique sedens supinus e regione fenestræ, clara sub luce, in dorsum eiusdem per fenestram cadente, re ita bene constituta, caute, riteque sectioni sese accingebat.

Præter

Præter hæc ad manus erant studiosi duo, qui instrumenta ad operationem necessaria, e patina porrigerent *Præsidi*, qui marsupio, alias in hac operatione consueto, cinctus hunc actum perficere nolebat.

Cum manus pedesque pueri, in situ apprime convenienti constituti, tenerentur adeo, ut, ossibus sat explicatis, & cruribus sufficienter deductis scrotoque a studioso bene servato, vix ac ne vix quidem se movere valeret, *Præses* successively immittebat duos digitos manus sinistræ priores, indicem scilicet & medium, oleo illinitos, in pueri anum, quoad licebat, &,prehendens his duobus digitis calculum, annitebatur studiose, ut eundem e loco dimotum versus perinæum lateris sinistri antrorsum premeret, eo quidem consilio, ut, ibi protuberantia facta, calculus eo melius felicique possit tangi lithotomo atque secari.

Sed, proh! dolor, cum *Præses Excellentissimus* calculum priorum premeret, omnes adstantes per urethram materiam exire purulentam videbant, nec poterat fieri, ut calculus priorum penitus protruderetur. Exinde augurabatur vesicam, propter temporis longitudinem doloresque pueri praegrandes, exulceratam, & calculum vesicæ adhærescere.

Hæ circumstantiæ, quæ mali quid præsagire videbantur, concitabant in *Præsidis* animo mœrorem, cum timore coniunctum, ne operatio hæc vota sua parentumque falleret.

Sed cum divino adjutus auxilio, dextræ manus digito calculi præsentiam persentisceret in perinæo, licet, ob adhæSIONem cum vesicæ, nulla protuberantia heic apparere poterat, deploratis ferme vulneribus manum admovebat, plenusque bonæ spei, secundo calculum petens, cultri acumi-

ne eundem attingebat, & eo ipso aperturam a parte superiori calculi versus anum in perinæo faciebat, ea magnitudine, quæ ad calculum extrahendum videbatur sufficiens.

Facta hac incisione, cultroque, qui tradiderat studioso, reddito, *Præses* se coactum ratiocinabatur per vulnus transire in vesicam dextræ manus indice, eo fine, ut partim de calculi magnitudine, partim de eiusdem cum vesica cohesionem redderetur certior. Satis de utroque informatus, leni quidem sufficienti tamen pressione dissolvebat concretionem calculi cum vesica felicissime, ast magnitudine eius vulneris os superante, res non dum erat expedita.

Cultro hinc repetito, alteraque incisione versus anum priori cautius addita, pertentabat volsella in vulnus intrare, sed conatu frustraneo.

Quapropter forcipe hoc parvo reddito, dextræ manus indice calculi, e loco dimoti, longitudinem in duos sinistræ manus digitos, qui erant in ano, leni mittebat pressione, uncioloque arripiens eundem, trahebat ad vulneris os, auxilio digitorum in ano, ut, Deo adiuvante, transiens per vulnus in femoralia *Præsidis* & exinde caderet in terram.

Re tam ardua ad votum peracta, præces fundebantur ad Dsum, qui actui huic benedixerat benignissime. Puer vero, qui inter ejulatus vociferatus erat antea: *moriendum mihi est, me vita privatis*, ex summa cordis anxietate liberatus quiete blandaque voce rogitabat, ut calculus ille, causa tantorum dolorum, ipsi poneretur ante oculos, cuius & satisfiebat petito.

Coeterum *Magnificus Præses* operationem eligebat lateralem; quippe studio calculum ab orificio vesicæ ad sinistrum latus ad protuberantiam ossis ischii premebat, ut
plaga

plaga in angulo, quo in muscoli erectores & transversales, se invicem ferme attingendo concurrunt, inflingeretur, eo quidem consilio, ut omnes rami vasorum majores, arteriæ hæmorrhoidalis externæ & arteriæ pudendæ illæsi servarentur. Capite idcirco gallinaceo, bulbo urethræ, sphinctere vesicæ, vasis deferentibus atque vesicis seminalibus integris manentibus, in vesica nihil læsum, quam ipsum corpus prope sphincterem, imo, si quid fuerit attactum, nihil aliud, quam exiguum quid de corpore prostatae hujus lateris fuit læsum.

Caute ita ad finem perducta sectione, vulnus parum profundebat sanguinis, nec post operationem hæmorrhagia, nec dolor, nec tumor, nec inflammatio insequabatur; Præsertim cum Calculus, nesciens *Præses*, an angulosus, priorum digitis ita pressus esset, ne corpus vesicæ contunderetur, sugillaretur, sicque ad inflammationem disponeretur.

Hac ex re fiebat, ut puer, post operationem de nullo conquestus dolore, semper quietus liberque fuerit ab omni adversitate; quippe cum omnia, uti jam ante monitum, præter integumenta communia, musculos perinæi, corpus cellulosum, vesicam ambiens, & vesicam ipsam, & ramos vasorum parvulos dissectos, illæsa integraque fuerint conservata, nihil contusum nilque per dilatationem fuit dilaceratum.

Nullum certe dubium est, quin exitus materiæ purulentæ per urethram ante operationem Præsidi injecerit pavorem haud exiguum, in operatione ipsa per nexum calculi cum vesica admodum adauctum; præsertim cum eundem digitis

digitis, patientia summaque cautione adhibita, premens a vesica dissolvere cogeretur, ex quo *post operationem* gangræna & sphacelus oriri potuisset facillime, ut per vulnus inflatum puer animam profudisset certo certius; sed, Deo sit honos, omnia ex voto processerunt.

Calculo itaque extracto, vesicaque digito rite explorata, nihiloque damnosi ultro reperto, puer lecto committebatur calido.

Ante operationem circularis, & cum ea conjuncta cruciata inguinalis fascia jamjam circa corpus, eo consilio probe firmatae erant, ut omnis jactatio & commotio vulneris, ejusmodi ægrotis maxime nociva, pro viribus prohiberentur.

Decumbens in lecto puer illico deligabatur, plumaceolo in vulnus, vitello ovi recenti illito, immisso, & superimpositis duobus spleniolis ex linteaminibus mollioribus, quæ cruciata inguinali fascia permuniebantur & cum scapulari iungebantur.

Cannula, quæ alias in vulnus indi solet, mittebatur studio, tanquam inutilis, imo nociva.

Abdomen, scrotum & mentula inungebantur oleo rosato calido; in abdomine & perinæo supra fascias sacculis nervinis, calidis, vino decoctis illico adplicatis.

Tres horæ erant præterlapsæ, cum ante operationem pueri alvum clystere eluere *Præses* mandaverat; sed, cum idem non penitus ad colon penetraverat intestinum, ventrem hora undecima exonerabat, absque tenesmo & dolore, quo fiebat, ut de novo suscipienda esset deligatio.

Hora secunda, deligatione reiterata, sanguis & urina foetidi odoris reperiebatur in spleniis. Hora septima iterum

rum deponbat alvum, feces ipsæ erant fluidæ, & evacuatio peragebatur absque conatibus fortioribus.

Nocte durante non fuit deligatus puer, quiete dormiens; foras tamen, e somno excitato, impositi fuerunt tepidi.

Deligatio in prioribus quinque diebus quatuor fiebat regulariter vicibus, hora sc. septima ante, hora undecima circa, hora quarta post meridiem, & hora decima nocturna, eodemque tempore simul interna puero fuerunt supeditata remedia.

In his vero quinque diebus medicinæ studiosi & chirurgi per dies noctesque egerunt vigilias, ut, necessitate urgente, vel alvo deposito, deligaretur, varii casus, qui evenire potuissent, observarentur, & omnis inflammationis dolor cum putrefactione declinaretur a vulnere; quæ vigiliæ usque ad diem decimum quartum fuerunt continuatæ.

Deligatio vero a die decimo usque ad diem Octobris vigesimum quintum sequenti modo fuit peracta.

Primis, quatuor scilicet diebus, plumaceola cum vitello ovi recenti applicata sunt, dein vitello ovi cum melle rosarum mixto usque ad diem nonum, posthæc electuario diascordio Fracastorii, pulvere myrrhæ, aloes & radicis aristologiæ addito, tandem vitello ovi & melle rosato, pulvere colophonii adjecto, cura omnis ad finem perducta fuit exoptatum.

Præter hæc, ultimis diebus, sex nempe ante curationem perfectam, impositum quoque fuit emplastrum ad rupturam

pturam præcavendam, & ut vulnus, eo arctius coeundo, sine cicatrice sanaretur notabili.

Die decima Oct. circa matutinum tempus initia sumebantur, in qualibet deligatione inspergendi liquorem siphunculo metallico mediocri, qui gaudebat fistula, vel canali, eburnea, cuius extremitas rotunda & globi instar constructa erat, ne, vesicam urinariam attingendo, damni quid adferret.

Iniectio hæc sanguinem, pus & residuas urinæ exprimens impuritates, curationi vesicæ serviens, omnes casus adversos ab ægroto redimens, tanquam epuloticum mucilaginosum levabat dolores eximie.

Et si post iniectionem injecta refluerent, plumaceola & splenia applicata, cruciata inguinali munita, corpus inunctum, & semper duo foci tepidi, unus in perinæo, alter in abdomine, probe expressi superimpositi, & sic scrotum cum mentula fuit coopertum.

Die Octobris undecima iterum ægrotus sine molestia exoneravit, fecibus fluidis, ventrem, postquam noctem consumserat tranquille. Et eodem die, tertio scilicet post operationem vulnus iamiam ultra dimidium in cicatricem convenerat, ita, ut illi, qui ante idem oculis conspexerant, vix induci poterant ad credendum, per hoc vulneris os transisse calculum tantæ magnitudinis, qui madidus fibrillisque tunicarum adhuc inclusus, parum aberat, ad duarum unciarum accedebat gravitatem.

Hoc ipso die, cum injectio fieret, materia purulenta copiosa, bene tamen cocta, e vulnere profluebat, cuius & partem in urethræ bulbum transisse, querelæ ægroti de dolo.

doloribus in mentula satis superque testabatur; quæ ut e medio tolleretur, siphunculo eburneo, liquore impleto, eluere urethram *Præses* satius arbitrabatur, quod puero quidem magnos creabat dolores, licet præputii & mentulæ inflammatio, quæ in die operationis satis luculenter, prope crystallinam formans vesiculam, apparebat, imminuta erat.

Materia hæc purulenta, quæ per vulnus ex vesica proveniebat, odoris erat volatilis; urinosi & foetidi; agrotus tamen quiete dormiebat, nec febris vestigia se offerebant, cibum capiebat, cum ante operationem stomachus existeret obtusus, aviditate etiam ad solida incitatus, quæ tamen iusculis & decocto hordei cum C. C. Scorzonera tantum, solidis abstinendo, saturari debebat.

Die octobris duodecimo rubedo quædam, stipulæ latitudinem implens, totum ambiebat vulnus circa labia; Tumor vero, cum hac inflammatione coniunctus, erat circa vulnus exiguus, & tumor scroti & mentulæ cum urethræ dolore in bulbo cessarant. Ex ore autem vulneris propendebat corpus quoddam tunicatum, solidum, longitudinis dimidii digiti, quæ pars tunicæ internæ vesicæ, in qua calculus delituerat, se ab ipsa vesica separans exitum tentabat.

Die decima corpus hocce a vesica divulsum adhærescebat plumaceolo, eoque in aqua, & post hæc digitis probe examinato, observatum fuit, illud revera fuisse corpus tunicatum ex fibris conflatum; id quod signum certissimæ spei erat, consolidationis vulneris initium fieri in vesica.

Die decima quarta rubedo vulneris illa evanescebat,
B imo

imo & tumor in perinæo, scroto, & mentula penitus, nec dolor aderat in vesica, ast signa febris purpuræ, quæ etiam per totum corpus, sine inflammatione tamen vulneris erumpebat, apparebant.

Purpura hæc, somno appetituque tantisper imminuto, durabat per quinque dies, & cessabat exsiccando, cum proventu materiæ, ex vesica propullulantis, purulentæ.

Die post operationem decima quarta, vel vigesima tertia Octobris puer iterum mingere incipiebat per urethram, ad aliquot guttulas, quæ évacuatio sensim sensimque capiebat incrementa, manifesto indicio, vulneris vesicæ inflati glutinationem successive fuisse factam.

Die vigesima quinta vulnus in perinæo penitus duxerat cicatricem, nec aderat urinæ incontinentia, & licet urina ipsa pallida, & materia cretacea iuncta esset, quod per mensem durabat, post hæc tamen in naturalem, per medicamenta convenientia fuit mutata, adeo, ut puer ad desideria parentum sanitati restitutus evaserit.



CASVS PRÆCEDENTIS EVOLVTIO

Calculus est terrea atque salina concretio, quæ in corpore humano & animalium præternaturaliter contingit, & in omnibus fere partibus reperitur.

Quando hic in ægrotantibus generatur, apparere solet sæpius, tanquam signum indicans, stranguria, sive urinæ ardor, qui plerumque ab acido superfluo aluminoso, in urina existente, ducit originem. Urina enim, quæ, durante stranguria, guttatim & cum ardore evacuatur, degustata acidum & aluminosum saporem prodit.

Planum ideo est, calculum omnem ex acido, maxime aluminoso, in quo terra continetur calcaria, & viscido tartaro generari.

Acida vero omnia, quo pertinet vinum, acetum, caseus &c. ad calculorum genesis ansam præbere aptissimam, non observationes solum testantur satis superque, sed & experimenta idem confirmant. Albumen enim ovi ab acido minerali, in specie aluminoso vel vitriolico illico solet coagulari atque deinceps ad calculi formam solidescere.

Locus, in quo calculi generantur, sunt fere omnes corporis partes. Quippe inveniuntur in renibus, præsertim in corporibus renum mammillaribus eorumque tubulis; in vesica tum urinaria tum fellea; in articulis sub forma tophacea,

phacea, & in pulmonibus, unde tussis calculosa; qualem *Illustris Preses* vidisse asseverat.

Vt paulo firmitus assertum hoc suffulciam, non possum non heic proferre, me oculis observasse in anatomiis, novissime a *D. Praside* susceptis, calculos generatos arenosos in glandula pineali in uno subjecto, in altero calculum in glandulis nigris pulmonum circa cor & œsophagum sitis. Ante quinquennium in cadavere, ab *Excell. Praside* dissecto, calculos in vesicula fellea, solidioris quidem substantiæ, qui tamen, ad candelæ ignem admoti adinstar ceræ liquecebant ob oleum viride sebaceum admixtum, repertos esse memini. Et præter hæc calculos quoque vidi articulorum tophaceos, quia synophia, quæ quoad substantiam, viscositatem & pelluciditatem cum albumine ovi convenit & in anatomiis publicis in articulis humanis a *D. Praside* collecta est, ab affuso acido illico albescit & coagulatur, imo tandem notabilem soliditatem, fere cum calculorum forma convenientem, induit.

Cum vero omnia corpuscula, massam sanguineam constituentia, haud secus, ac corpuscula mundana multis modis inter se differant, aliter fieri non potest, quin in vno subjecto calculi diuersi coloris, diuersæque soliditatis; in altero tophi; in aliis scirrho, sarcomata, steomata, melicerides; in aliis polypi generentur diuersi.

Observationes, quas hac hieme in tribus anatomiis, a *D. Praside* peractis, collegi, idem extra controversiæ aleam constituunt. Etenim polypos tres albos in infantis trium annorum sinu falcato & quidem singulos in singulo loco, polypum album, in puellæ sedecim annorum vena cava asurgente hærentem, & quidem eo in loco, quo in hepar iungi-

iungitur cum diaphragmate, & denique in viro triginta annorum observavi polypos veros, solidos, albos, tendinosæ fere substantiæ, magnos in utroque cordis ventriculo, duos exiguos in sinistro, tresque maiores in dextro. Et ex hisce observationibus *Baglivii* iudicium, polypos scilicet successive crescere ex sanguinis lanugine & fibrillulis, confirmari, contraria vero ex parte *Kerckringii* sententiæ, qua, polypos in articulo mortis fieri, asserit, contradici posse cuilibet rei gnaro patescit. Polypi *Kerckringiani* nihil aliud sunt, quam sanguis congrumatus, *Bagliviani* autem albi, tunicati, tendinosi atque fibrillosi.

Calculus, vias obstruendo urinarias, dysuriæ, siue urinæ difficultati & ischuriæ, id est, mictioni plane denegatæ ortum præbet; & perinde esse videtur, siue obstructio fiat in pelvi & infundibulo, (quod nunc simplex, nunc duplex, nunc triplex, imo & quadruplex in hominibus deprehendi innotuit mihi ex anatomiis, a D. *Præfide* institutis) siue in ureteribus, siue in sphinctere vesicæ, siue in ipsa urethra.

Si calculus, vesicæ collum obstruens, digitorum pressione agrotantis removetur, permittitur quidem urinæ evacuatio, at magno cum dolore & ardore fieri solet; turina enim per moram acrior reddita partes læsit internas, quod & ipse calculus sua efficit inæqualitate.

Cruciatus, qui ex calculo oriuntur, vires imminuunt, somnum turbant & actiones omnes ad vitam necessarias e medio tollunt; ex quo fit, ut agrotantes languentes contabescant.

Ut præsentia calculi & in vesica existentia exacte dignoscatur, exploratio caute instituenda est, quæ vel per

catheterem, vel per digitum, in anum immissum, fieri solet.

Hæc, quæ digito scilicet peragitur, anteponenda omnino venit illæ, quæ cathetere instituitur. Neque enim tantam molestiam periculumque creat, quam hæc, multoque certior est vesicæ exploratio per digitum, cum vesica, intestino recto superimposita, cum hoc immediatam habeat connexionem.

Catheteris præterea adplicatio exercitatissimum exposcit chirurgum, cum maxime dolorosa sit, urethram lædat, vulneret atque inflammet facillime, uti catheterismi difficultates celebr. *Meibomius* diss. de *Catheterismo*, *Helmstadii* habita, posuit ante oculos.

Cœterum minime negamus, & varia laudari remedia lithontriptica, quibus egregiæ adscribuntur virtutes, ut *radix Parreira brava*, eiusque decoctum; infusum theeiforme herbæ *Acmella Zeilanica*, & celebr. *Hauckvvizii*, Londinensis, remedium temperatum, ex phosphoro præparatum. Hoc enim in vesicam, mediante syringa, immissum, vim possidere successive dissolvendi calculum absque iniuria vesicæ dicitur.

Præter hæc notissimus ille chemicus, *Dippelius*, præparavit remedium ex olei vitrioli albi parte una & spiritus vini rectificatissimi partibus octo, quæ bina guttatim inter se mixta, digestaque tandem in certa dosi, v. g. ad guttas iv. vi. viii. propinantur. Methodum hanc, imo ipsum remedium videtis in erudita dissertatione D. *Græbergii*, 1734. Halæ sub præsidio celebr. *Schulzii* habita.

Referat huc quoque, cui libet, ignotum adhuc illud remedium; de quo in litteris publicis Lipsiensibus novissime

me relatum legimus : Es wird versichert , daß das Parla-
ment die Sache der Jungfer **Stevens** ehestens in Erwe-
gung ziehen werde , deren Arznei wegen ihrer Kraft in der
Zermalmung des Steins in der Blasen so bewährt befunden
wird. Sie verlangt eine Belohnung vom Parlament , um
ihr Geheimnis öffentlich bekannt zu machen. Londini die
31. Martii.

Nolumus prolixius investigare problema illud : *an
dentur medicamenta , qua calculum in vesica comminanti ?*
in medio relicturi , in quantum D. **Grabergii** sententiæ af-
firmativæ , in dissertatione allegata productæ , albus adjici-
endus sit calculus.

Neque animus fert jamjam remedia illa antea prolata
ad lapidem lydium revocare , eorundemque vires & effe-
ctus altius repetere ; sat erit dixisse : calculum in vesica ad
soliditatem accretum vix ac ne vix quidem per remedia
posse dissolvi. Et præter hæc nobis in hac nostra disserta-
tione non sermo est , de calculi per remedia comminutio-
ne ejusdemque expulsionem , sed de sectione.

Tempora vero , in quibus sectio institui moris est , sunt
duplicia , unum scilicet necessitatis ; alterum vero electio-
nis. Necessitate , tanquam duro telo , non urgente , tempus
eligendum est æquinoctiale. Cum enim aer , nocivis re-
fertus effluviis , vulnera ulceraque corrumpere soleat ; illud
æquinoctiale omnibus , tanquam neque nimis calidum , ne-
que nimis frigidum , sed temperatum est anteferendum.

Methodos , quod attinet , calculum secandi atque ex-
trahendi , earundem variæ fuerunt excogitatae. Prima &
antiquissima est *Celsistica* , vel , uti & adpellare moris est , mi-
noris apparatus. Altera *Mariana* , sive majoris apparatus ,
quæ

quæ primum catheterem solidum, in convexa parte sulcatum, vocavit in usum. Tertia *Franconica*, siue, quod idem est, operatio alta, in qua incisio fit supra os pubis in musculis pyramidalibus & vesica in corpore aperitur. Quartam fratris *Jacobi de Beaulieu*, siue lateralem emendavit *Ravius & Cheseldenius*. Novissima est *Foubertiana*, quæ super acu triquetra sulcata instituitur. Hanc, *Foubertianam* scilicet methodum, satis accurate, imo erudite proposuit *Job. Henricus Kesselring*, Prussus, in dissertatione solemni, Halæ 1738. mense Septembri habita, in qua & sententiæ omnium scriptorum, tam veterum, quam recentiorum, qui de lithotomia egerunt, inveniuntur, quasi in nucleo, imo & perarduæ hujus artis probe consignata historia.

Illustris Præses sectionem aliis prætulit lateralem & minoris adparatus; hac enim methodo neque vesicæ sphincter, neque urethræ bulbus, nec muscoli acceleratores; nec prostata, nec vesiculæ vulneratæ fuerunt seminales. Præter hæc ob præputii mentulæque inflammationem catheterem adplicare non poterat.

Si autem in sectione calculi muscoli acceleratores, urethræ bulbus & vesicæ sphincter, minus caute agendo, læduntur, in ejusdemque extractione organa hæcce nimis dilatata dilacerantur, nec denuo conjuncta rite coalescunt, nec debitum obtinent robur; sed plerumque ansam præbent dolendam incontinentiæ urinæ siue involuntario huius stillicidio.

Vulneratio prostatarum & vesicularum seminalium in homine fons atque origo est impotentiae.

Lateralis operatio, quæ hæcce gravissima symptomata, tanquam

tanquam operationis funestæ reliquias, evitat circumspicte, sectionem instituit in latere sinistro ad latus inter muscolum acceleratorem & erectorem, vel illo in loco, in quo musculus transversalis angulum facit cum erectore.

Cumque in perinæo area quasi formetur triangularis, dum unum latus constituit musculus accelerator, secundum erector & tertium transversalis, in medio & centro quasi huius aræ punctum sectionis observandum est; quo modo nihil fere, præter integumenta communia & post hæc vesicæ corpus patitur vulnerationem. Contraria ex parte arteriæ pudendæ, & hæmorrhoidales, exceptis ramis minoribus, integræ conservantur, adeo, ut nulla hæmorrhagia oriri possit notabilis, id quod sectio, a Dno *Præside* tam caute peracta, dum exigua sanguinis quantitas exstillaverit, omnibus satis clare demonstravit præsentibus.

Si vero pudendæ arteriæ vulnus infligitur, facile evenire potest, ut lethalis hæmorrhagia, nec per ligaturam sistenda, exoriat, quæ aut ægrotum morti succumbere illico cogit, confirmante id laudato *Kesselingio* §. 6. & 45. aut ad minimum mirum in modum ipsa interturbatur operatio.

Subiectum primarium, aperiendo vulnerandum, est vesica urinaria, tanquam organon, in quo calculus, per vesicæ vulnus, mediantibus instrumentis, extrahendus, delitescit.

Vesica est musculus excavatus, situs in pelvi, quæ ab ossibus pubis ischii, ilii, sacro & coccigis formatur.

Dividi solet vesica in corpus, quod pyriforme, & in fundo latum planumque est, in fundum, in quo urachus, & cervicem siue collum.

Componitur corpus hocce musculosum ex tribus musculis, (1) *externo* scilicet, qui urinæ detrusor adpellatur, cuiusque fibræ diversam occupant directionem, (hunc Magnus *Eustachius* agnovit depinxitque tabula 12. figur. 7.) (2) *interno*, qui construitur ex fibris longitudinalibus, a fundo versus collum tendentibus, quarum fibrarum vna extremitas ad collum, altera ad fundum dirigitur, ubi omnes concurrunt in centro illo, quod ab uracho vel a ligamento vesicæ rotundo formatur; (3) *circularis*, in collo situs, sphincter dictus, quo mediante vesicæ clauditur orificium.

Vesica vero aperitur circa fundum in operatione alta, vel in sphinctere in apparatu magno, vel lateraliter in corpore ipso, quando videlicet operatio fratris *Jacobi, Raviana, Cheseldeniana & Foubertiana* suscipitur.

Olim a majoribus nostris vulnera vesicæ inflicta inter absolute lethalia referebantur, & ex hac re factum est, ut medicis calculi sectionem interdixerit *Hippocrates*, qui, maximam hominum partem ex eiusmodi operatione periculosa interire, sibi persuasit inconsiderate.

Cum enim eiusmodi periculum, imo hominum sectorum interitus dubio procul ex principiorum anatomicorum ignorantia, atque improvida chirurgorum sectione ortum traxerit, nostris temporibus, in quibus medici penitus callent artem anatomicam circumspectiusque agunt, lithotomia non semper lethalia symptomata habet comites, sed, uti experientia testis est omni exceptione maior, ad exoptatum finem perducitur sæpissime.

Casus noster, quem proposuimus, eo magis meretur annotari atque medicorum iudicio offerri, quo periculosiores

res eundem quasi circumdederunt circumstantiæ. Non enim solum calculi adhæsiō vesicæ, & huius præsens ante susceptam operationem suppuratio, sed & præputii mentulaque aliqualis inflammatio sectionem reddere poterant difficillimam; eandemque defraudare effectu exoptato.

Calculi cum vesica cohærescentia, quæ exinde oriri solet, quando nimirum maior calculus, ad vesicæ collum descendens, frictione sua internam vesicæ superficiem vulnerat, fibræ increscentes ipsum calculum successive ambiunt eumque cum vesica connectunt, omnino non minimas creat molestias, & lithotomi patientiam postulat. Si enim chirurgus non didicit provide & circumspicere calculum a lamina interioris vesicæ divellere, facile evenire potest, ut ingens dilaceratio & post hanc lethalis exoriatur inflammatio. Legi omnino meretur de hacce materia, *calculo scilicet vesicæ adhærescente* erudita dissertatio D. D. *Tillingii*, sub moderamine *Illustris Platneri*, Lipsiæ 1737. habita.

Exulceratæ vesicæ satis manifestum erat indicium materia purulenta vera, ex meatu urinario eo tempore, quo Dnus *Præses* digitis in ano calculum antrorsum premere annitebatur, prorumpens; cuius puris & tertio inprimis post sectionem die ingens propullulabat quantitas. Natam hanc exulcerationem esse auguramur a molestia, doloribus & subsequentibus vesicæ inflammationibus.

Quantum periculi accidens hocce efficiat, non multo verborum apparatu iamiam describere animus fert, sed satis dixisse arbitramur, quod scilicet omnes lithotomi uno ore confiteantur, suppuratam vesicam sectam facile gangræ-

nam & sphacelum creare posse, & sic mortis præcursorem existere. Sed & hic tristissimus eventus ex Dei misericordia fuit per laborem nostrum indefessum declinatus.

Si itaque sectio ipsa perinzi & vesicæ sine hæmorrhagia lethali peracta, & calculi extractio sine vulneris nimia dilatatione partiumque internarum læsione & dilaceratione ad finem perducta fuit hilarem, medicus & chirurgus de vulnerati curatione anxie solliciti esse debent.

Curæ huius satis necessariæ nullam plane habuit curam frater *Jacobus*, sed sat fecisse sibi persuasit, dicens: *Jaque te taillé, le bon Dieu te gerise.* Der Bruder Jacob hat dich geschnitten, der liebe Gott heile dich.

Cura vero absolvitur (1) regimine diætetico exacto; (2) convenienti deligatione, & (3) adplicatione remediorum convenientium internorum, quæ febrim vulnerariam & inflammationem gangrænosam sphacelosamque depellendi vim habent.

Regimen diæteticum quod concernit, noster ægrotus (1) in aere temperato & ab omnibus nocivis effluviis vacuo, & quidem in lecto molli tepido, medium hypocaufti occupante, & sic a fenestris & fornace remoto, conservatus fuit; (2) Cibi, quibus usus fuit, erant iuscula nunc avenacea, hordeacea, mileacea, nunc mucilaginosæ alia, pauco sale & aromate condita, una cum pane triticeo; item iuscula gallinacea, carnis bubulæ cum vitello ovi. Potus vero decoctum tepidum sequens: ꝛ. rasuræ cornu cerui unciam semis, radicæ Scorzonæræ, Bardanæ, Cichorii
ana

ana drachmas tres, hordii mundati, avenæ mundatæ ana drachmas 2. Misce.

De hisce cum aqua fontana paratum est decoctum, cui intra bulliendum, de flavedine corticum citri recentium ad gratiam quid fuit additum; & post hæc percolatum fuit brodium, illudque conservatum in loco frigido vocavit ægrotus in usum potus ordinarii.

In lecto ab adstantibus semper vigili cura ad quietem admonitus fuit, ne per motum membrorum, pedum in specie, vulnus, perinæo inflictum, agitetur; & ex hac quoque causa somnum omni modo promovendi dedimus operam, quo omnes tristes effectus eo sollicitius evitarentur.

Interna respiciendo noster ægrotus habitus fuit pro graviter vulnerato, mixturaque traumatica, bezoardica, & anodyna vocata fuit in usum sequens: ✱ tincturæ bezoardicæ Wedelii, drachmas duas, essentia traumaticæ ejusdem drachmam unam, liquoris anodyni mineralis dulcis, drachmam semis. De hisce mixtis data fuerunt matutino tempore hora scilicet septima, & hora post meridiem quarta guttæ XX. vel cum infuso herbæ Theæ, vel consueto decocto.

Vespertino tempore circa horam nonam vel decimam, & matutino hora decima vel undecima pulverem sumebat ægrotus hunc: ✱ pulveris bezoardici Teichmeyerī scrupulos duos, epileptici marchionum scrupulum unum, theriacæ coelestis granum unum. Mixtura huius pulveris inserviebat pro sex dosibus.

Species pro decocto cum vino, quæ sub sacculorum forma adplicatæ fuerunt, sequentis erant compositionis. \mathfrak{x} herbæ agrimonix, betonicæ, roris marini, melissæ, origani, serpilli, florum lavendulæ, chamomillæ rom. ana manipulos duos.

Liquor, qui cum siphunculo injectus fuit, omni tempore, quo deligatio instituebatur, sequentis erat compositionis: \mathfrak{x} aquæ rosarum, plantaginis, calcatrippæ ana unciam unam, fiat cum sufficiente quantitate seminis cydoniorum & plantaginis mucilago, adde mellis rosarum unciam unam, elixirii proprietatis sine acido drachmas duas.

Cum hoc liquore mucilaginoso epulotico atque balsamico mundificata sunt vulnera ulceraque, partim a vesicæ sectione nata, partim a calculi separatione, partim ante sectionem jamjam existentia.

Ad mundificandam urethram, in cujus bulbum intraverat materia purulenta, molestiasque cum doloribus excitaverat, sequens adplicatum fuit decoctum, quod, per syringam immissum, viam hanc a purulenta materia, periculosissimo ac molestissimo hospite, liberavit: \mathfrak{x} herbæ agrimonix, alchimillæ, plantaginis, scordii, aristologiæ ana manipulum semis, coque cum s. q. aquæ fontanæ colaturæ, adde mellis rosarum unciam unam, elixirii proprietatis sine acido drachmas duas.

Primis post sectionem diebus, uti in historia casus enarrata annotatum, sufficiens erat pro deligando vulnere vitellum ovi recens, tanquam remedium oleoso-mucilaginosum dulce & temperatissimum, cum plumaceolis, tertio, quarto & subsequenter diebus paratum fuit Electuarium

rium epuloticum tam ad vulnus perinæi purgandum, quam declinandas molestias, imo symptomata, quæ metuenda erant non ab urina solum, sed & materia purulenta, quæ ex ipsa vesica propullulabat. Constabat vero ex sequenti mixtura: Electuarii diascordio Fracastorii unciam semis, pulveris myrrhæ, aloes succoterinæ ana drachmam semis, pulveris aristologiæ, scordii ana scrupulos duos, mellis rosarum q. s. ad consistentiam Electuarii.

Hocce Electuarium cum ovi vitello mixtum fuit, & sic divinis auspiciis cura vulneris, a sectione calculi exortiti, intra dierum XXV. spatium ad finem perducta fuit exoptatissimum.

*Deo sit Laus & Honor & Gloria
in æternum.*

CLARISSIMO DOCTISSIMO
ARTIS SALVTARIS CANDIDATO
DIGNISSIMO

PAVLO PHILIPPO SCHELERO

S. P. D.

HERM. FRIED. TEICHMEYER D.

Quantum laudis institutum TVVM, quo honores in arte salutari summos adipisci allaboras, TIBI, mi clarissime SCHELERE, conciliat, tantum lætitiæ meo excitavit in animo. Et eo magis lætor de fructu studiorum glorioso, quo magis diligentem, probum, fidelemque per quinquennium, quo fuisti a manibus me-

is, TE praeuisti. Recitationes enim, in omnes medicina partes institutas, salenter & attente frequentasti, labores chemicos, TIBI concreditos, probe & exacte peregisti, in salutem agrotorum, fidei TVÆ, tam in praxi medica quam chirurgica commendatorum, tam sollicitè contulisti curam & cogitationes, partesque studiosi rite in stadio currentis omnino ita impleuisti, ut TIBI ex merito porrigatur premium. Gratulor TIBI ex intimo cordis affectu de hisce honoribus, optans, ut Deus futuris TVIS conaminibus, quæ in praxi caute prudenterque suscipies, benedicat benignissime, quo omnia in sui gloriam, patriæ emolumentum, parentumque gaudium cedant felicissime. Cæterum TIBI, quem æstimo, TVOQVE amoris me commendo. Dabam Fene d. Maji 1739.

Calculus insidias miseris quas construat hospes,
Docta docet doctis pagina scripta viris.

Non poterat calamo meliori calculus ille
Describi, & causæ, vis seriesque mali.

Non tanto mucrone latus fodit ungula, quanto
Calculus excruciat viscera mortiferus.

His solide iungis, quæ sint medicamina tuta,
Queis facile agrotis consuluisse queas.

Hac procede via; causas inquire latentes;
Maliorum ut sanes arte potente malum.

Ouinor hinc laudem, famæque insignia clara,
Digna Tuis studiis, digna labore Tuo.

Hinc non pœniteat Vigiles & Vbiſſe Labores,

AVt operi InfVetas aDierViſſe ManVs. (*)

(*) Tibull. l. 1. & 4. V. 24.

Accinebat

M. L. W. D.